



孟子外書

全

服部文庫  
117  
253





序

坊間有四家孟子註。曰楊子雲也。韓文公也。李習之也。熙時子也。中興史志以爲依託信也。然三家者依託而熙時子非依託也。乃熙時子依託三家也。熙時子者誰。相傳即公非先生劉貢文也。貢文因李泰伯不喜孟子爲此以示之也。注中往往用泰伯語也。熙時者曉然也。譎也。越絕參同契之流也。孟子外書四篇趙臺卿不取也。故不顯于世。賴四家注附刊于後。而熙時子且注之也。是以傳也。則熙時子之功不淺也。四家注依託不足傳。而孟子外書四篇不可不傳。



也。遂序而存之也。碧梧老人馬廷鸞書

孟子外書目錄

卷一

性善辯 凡十五章

卷二

文說 凡十七章

卷三

孝經 凡二十章

卷四

為正 凡八章以下闕





孟子外書卷一

性善辨第一

孫卿子自楚至齊見孟子而論性荀卿名况楚人避漢諱易荀為孫

孟子曰有善無惡天也言天之賦性但有善

而無惡其有善惡乃人後起之私孫卿子曰有善有惡天也有善

無惡人也言性本有善惡聖人以學勝孟子曰率

天下之人而迷性本者必自子始矣

孟子曰虎狼知父子蠶蟻知君臣而況於人乎故人之性善令人之性不善皆失喪其性故也喪反

宋

劉貢文

註曰作熙時子注今改書姓名



孟子曰。性善也。堯舜不勝其美。習不善也。桀紂不勝其惡。勝平性無不善。而欲害之。水無不清。而物污之。是豈水性也哉。

曼邱不擇問於孟子曰。夫子焉學。曼邱姓。不擇名。孟齊人。曼音萬。

子曰。魯有聖人曰孔子。曾子學於孔子。子思學於曾子。子思孔子之孫。伯魚之子也。子思之子曰子上。軒嘗學焉。是以得聖人之傳也。子上名。白。

孟子曰。舜生於姚墟。禹生於石紐。湯生於蒲南。文王生於台彊。千年一聖。猶旦暮也。姚墟。石紐。蒲南。台彊。並地名。

孟子曰。大山之高。參天入雲。而瞽者莫之見也。黃河

之濤。衝擊如雷。而聾者莫之聞也。甚矣人不可不學也。此章戒人不學。面牆。一章。如聾。聾也。

孟子三歲而孤。孟母賢。携孟子以居。始舍近墓。孟子幼嬉戲為墓間事。踴躍築埋。孟母曰。此非所以居我子也。乃去舍市。又嬉戲為賈街事。孟母曰。此亦非所以居我子也。徙學旁。乃設俎豆。揖讓進退。孟母曰。此真可以我子矣。此即世俗所傳孟母三遷事。列女傳矣。下有遂居。孟子幼誦。其母方織。孟子輟乃復誦。母知其誼也。呼而問之曰。何為輟。對曰。如有失復得。母乃引刀斷其織。以此戒之。自後孟子不復誼矣。輟中止也。



孟子妻獨居踞。孟子入戶視之。白其母曰。婦無禮。請去之。母曰。何也。曰。踞。母曰。何也。知之。曰。我親見之。母曰。乃汝無禮也。禮不云乎。將入門。言必聞。將上堂。聲必揚。將入戶。視必下。不掩人。不備。今汝往燕私之室。入戶不有聲。令人踞而視之。是汝之無禮也。非婦無禮也。孟子自責不敢去婦。踞列女傳作袒

孟子處齊為客卿。居常有憂色。擁楹而歎。孟母見曰。子擁楹而難。若有憂色。何也。對曰。軻聞之。君子稱身而正位。不為苟得而受賞。不貪榮祿。今道不用於齊。願行而母老。是以憂也。孟母曰。婦人之禮。精

五飯。幕酒漿。縫衣裳而已。故有閭內之修。而無境外之志。易曰。元攸遂在中饋。詩曰。無非無儀。惟酒食是議。詩小雅斯干篇以言婦人無擅制之義。而有三從之道也。故幼則從乎父母。嫁則從乎天。夫死則從乎子。禮也。今子成人也。而我老矣。子行乎子義。吾行乎吾禮。子何憂也。泰稷緇五種之飯。幕。麥。五種反。

孟子游於莒。有曾子講堂焉。孟子登堂。彈琴而歌。二三子和之。莒父老曰。久矣夫。不聞此音也。聖人之徒也。和去聲

孟子曰。人皆知以食愈飢。莫知以學愈愚。人皆知糞



其田莫知糞其心。糞田莫過利。苗得粟。糞心易行。而得所欲。何謂糞心。博學多聞。何謂易行。一性上注也。專一其性。禁止其淫。行去聲。

孟子謂子石曰。卯有毛信乎。公孫龍字子石。趙人。子石。白異同之辨者。

石曰。信。孟子曰。何為其然也。子石曰。卯無毛。雞無

翼。孟子曰。雞而烹。人可食。然則子腹亦有雞與。此章

孟子闢邪說

孟子曰。管敬仲仁。故齊威公亦仁。管敬仲義。故齊威

公亦義。吾於河廣知德之至也。河廣。宋威夫人所

存衛亡國之德也。○今按威公桓公小白也。注威夫人。宋桓公夫人也。避宋欽宗諱。改作威。引詩與今

義異

徐辟將之秦。孟子曰。秦虎狼之國也。子何遊焉。辟音

徐辟對曰。山東之國。無可與者。蘓子來招。故將必

行。蘓子。蘓秦也。孟子曰。夫蘓子。天下之至無信人也。天

下之大不義人也。子何交焉。扶音徐辟對曰。辟之

祖自南州。遷於郊鄆。今五世矣。於蘇為睦。且辟蘓

之自出也。南州。徐國也。郊鄆。洛陽孟子曰。然則姑

贈子以言。不約縱。不連橫。不為威屈。不為利疚。以

守子義。以全子生。斯可矣。

孟子外書卷一



孟子外書卷二

宋 劉貢文 註

文說第二

孟子曰文其說者不若文其心文勝者不陋質勝者

可久言人徒聘才辯而文其說不若篤實好學而文其心不陋文采可觀也可久絀久不敵也

孟子曰士貴立志志不立則無成

孟子曰君子為己小人為人為己者逸而泰為人者

勞而危君子小人以德而言也

孟子曰人不可以不知天凡事可以對天則知天矣

言為事事對天無耻即是知天也知天則可以贊天地化育可贊天地化育則可以與天地參也



孟子問於子上曰。敢問聖人之教。子上曰。言仁不言  
暴。言義不言利。言禮不言邪。言信不言詐。此聖人  
之教也。

子上謂孟子曰。舜之誥禹曰。人心惟危。道心惟微。惟  
精惟一。允執厥中。子其識之。此心傳也。識音志。

公明高問於孟子曰。詩云。不敢暴虎。不敢馮河。又云。  
如臨深淵。如履薄冰。何謂也。公明高。孟子門人。馮。皮水反。孟子

曰。君子之學。敬而已矣。詩小雅小旻篇又云。同篇同章。

孟子曰。言不可不慎也。言巧則天刑之。言肆則人害  
之。大雅云。無言不讐。無德不報。此章補金人銘所

讐。疾也。肆。恣也。

梁襄王問戰於孟子。孟子曰。戰。危事也。臣未之聞也。

孔子曰。軍旅之事。未嘗之學也。孟子嘗見梁惠王。言請以戰喻於此。則經也。在彼則權也。皆事宜也。

孟子去梁。梁襄王追之。及諸東。桑。孟子曰。為吾謝梁

王。勿忘先王之禮。遇也。再拜登車而去。東。桑地名。未詳所在。

萬章從遊於中山之上。孟子喟然歎曰。此景公流涕

之所也。而其骨已朽矣。萬章曰。古之人何以不朽。

孟子曰。大上有立德。其次有立功。其次有立言。此

之謂三不朽。古之人皆有死。君子雖死而求其不

死者。若小人則未死而已死矣。



陳仲子卒。孟子誄之曰：吁嗟仲子，廉潔以保負兮。求名而得，名兮。數齊國之高士，舍仲子其誰稱兮。惟山高而水流，千古一於陵兮。吁嗟仲子，名長有兮。可慰於九泉兮。數舍並上聲，於音鳥。

靈龜隱於萊。丁公著云：靈，古蜃字，萊國名，後屬齊。今萊州也。隱，居當在致為臣而去之後。

孟子使人問之，以書且遺之粟。曰：介士也。使遺並去聲。

萬章問曰：子庚何人也。柳字庚，泄。孟子曰：古之高父也。

上不臣天子，下不事諸侯。易曰：不事王侯，高尚其

志。易，蠱卦上九辭，志作事。

子叔問曰：文王囚於羑里，孔子厄於陳蔡，何以繫易

也。子叔，孟也。子門人。孟子曰：夫易，憂患之書也。安樂而不知

易，君子吉，小人凶。憂患而不知易，小人吉，君子凶。

是以君子不可以不知易也。

孟子去齊宿於晝，王蠋請見。孟子見之。蠋，晝邑人。王蠋曰：

夫子何以久於齊也。孟子曰：久於齊，非我志也。蠋

曰：我固知非夫子之志也。齊王外好善而心不好

夫子去國，亂將至矣。蠋是以憂也。孟子去數年而

齊國果亂。好去聲。

滕文公卒，葬有日矣。天大雨雪，及牛目。羣臣請弛期。

太子不許。惠子諫曰：昔者王季葬渦山之尾，樂水



齧其墓見棺之前和文王曰先君欲見羣臣百姓  
矣乃出為帳三日後葬今先公欲小留而撫社稷  
故使雪甚弛期而更為日此文王之志也孟子曰  
禮也弛也藥水未詳更平聲改也高也

雪及牛目西京雜記云政多馬云云

孟子外書卷下

孟子外書卷下

宋 劉貢文 註

孝經第三

孟子曰孝經者曾子傳於孔子諸弟子不得而聞也

孟子曰曾子之孝士之孝也故孔子先以事親事君

立身告之

孟子曰天子之孝文王也諸侯之孝魯釐公也卿大

夫之孝孟莊子也士之孝曾子與也庶人之孝大

連少連也魯釐公之孝無考豈以詩有壽母

孟子曰舜生五十而不失其孺子之心蔡母家曰鄭

許魚目頌同宮論  
大連連禮雜記孔子  
曰少連大連居喪三日  
不忘三月不解斯悲哀  
三年憂東夷之子也



之

孟子曰。孝者順德也。父子親。兄弟睦。夫婦和。人人齊家而天下平矣。

孟子曰。樂正子春生孝也。弟亶死孝也。劉熙曰。弟亶

毀而死。

樂正子春年九十矣。使其孫克學于孟子。告之曰。昔者聖人之門。顏子以仁。曾子以孝。季路以勇。伯顛以智。各以所得聞於天下。傳於後世。汝往矣。庶幾其有一得乎。伯顛子貢也。

孟母之喪。門弟子各治其事。陳臻治皆。季孫郊治車。

咸丘蒙治器。萬章治練。充虞治櫬。公都或治饌。陳

代治牲。樂正克治儀。公孫丑治賓客。治平聲。孟子三

日不食。哭不止。門弟子請曰。古者五十不毀。孟子

曰。王十也乎哉。吾母死。吾猶孺子也。記孟子喪禮

盡哀。齋子弔見之。流涕自責曰。今而知聖人之道。遂

棄墨而歸儒。齋子為墨子之學。齋他端反。

孟子曰。傳言失指。圖景失形。言治者尚覈實。此乃循名責實

之義。景影同。

梁惠王曰。先王用李惶。盡地利。至於今賴之。

孟子曰。非古也。古莫善於勸。勸者殷法。雖周亦勸。



也。地有餘利。則民有餘地。無餘利。則君有餘損。下以益上。非古也。蔡母遠曰。勤讀如藉。陸德明曰。與助同。

孟子三見齊宣王。而不言事。丑子曰。夫子何以三見

齊王而不言。高誘曰。丑子。即公孫丑。世本云。齊未公子朝之子。字子景。以字為氏。

故曰。景丑。齊大夫。孟子弟子。其與孟子言者。數見內篇。孟子曰。我先攻其邪

心。邪心去。則無不正矣。書曰。格其非心。命之書。同篇。

孟子去齊。子敖餞於犂門。子敖。王驩字。犂門。曾勞音。分。齊西境上。關門。程曾勞音。分。博

反。再舉觴。孟子辭而去。子敖曰。夫子盍賦詩。盍。何也。

孟子曰。子大夫欲我賦詩乎。不曰堅乎。磨而不磷。

不曰白乎。涅而不緇。磷。讀如連。與堅為韻。四語本孔。緇。讀如

子之辭。孟子以其類詩。故以為詩。而賦之。此章見孟子之待小人。不惡而嚴也。○涅。乃結反。

屋廬子曰。無為而治。何如。孟子曰。有心於無為。非無

為也。虞舜先勞而後逸者也。屋廬子。初為黃老之學。故以清淨無為為同。

孟子恐其有流弊也。舉虞舜以告之。舜治天。先苦勞而後安佚。故自然無為。心初欲為無為。備也。

孟子曰。矯枉不可過直。此章昂不為已甚之意。

孟子曰。天下有道。諸侯有王。東遷以後。天下無王。五

伯之罪也。蔡母遠曰。諸侯有王。音。鄭氏。周禮注引之。

孟子曰。有遠慮者。無遺策。無深謀者。有敗機。

孟子曰。敬老愛幼。推心於民。天下如運掌中也。敬老。孝也。



猶殺

揖道下於例恐脫也字

愛幼悌也推孝悌心加之萬民

齊人伐趙樵應將問於孟子孟子曰毋嗜將心也勿

爭功將才也與士卒同甘苦將道將去聲

孟子說齊宣王而不說淳于髡侍孟子曰今日說公

之君公之君不說意者未知善之為善乎說齊說公並音

悅今讀如淳于髡曰夫子亦誠無善耳昔者瓠巴

鼓瑟而潛魚出聽伯牙鼓琴而六馬仰秣魚馬猶

也當作乎

知善之為善而况君人者也孟子曰夫電雷之起

也破竹折木震驚天下竊不能使聾者卒有聞日

月之明徧照天下而不能使盲者卒有見今公之

君若此也扶音扶淳于髡曰不然昔者揖封生高

商而齊人好歌杞梁之妻悲哭而苦人稱詠夫聲

無細而不聞行無隱而不形夫子苟賢居魯而魯

國之削何也揖封生齊善歌人高商音扶孟子

曰不用賢削何有也國必亡吞舟之魚不居潛澤

度量之士不居污世夫藝久至必彫吾亦時矣言

行世又時詩曰不自我先不自我後非遭彫世者

歟詩大雅瞻仰篇藝猶

駟衍請受業於孟子孟子曰吾老矣不能偕子遊於

九州之外也以行好為大言且多荒誕不

吾不亦

賢下付則亡字見

杞梁妻哭見左傳公



孟子外書卷三

孟子外書卷四

宋劉貢文註

為正第四

孟子曰為正以心為邪以心心之所之邪正因之故君子存心而不放

孟子曰道不遠人人之為道而遠人不可以為道堯舜之道非遠人也人不自思之爾

孟子曰人謂孟嘗君好士吾不信也孟子好言孟嘗君好士也

好士也  
好去聲



以

高子問於孟仲子曰詩云維天之命於穆不已何謂也詩周頌維天之命篇於音鳴孟仲子曰大哉天命之無極而美周之禮也孟子曰否不然維天之命於穆不已蓋曰天之所為天也於乎不顯文王之德之純蓋曰文王之所以為文也純亦不已

高子問於孟子曰夫嫁者非已所自親也衛女何以得編於詩也扶音孟子曰有衛女之志則可無衛女之志則舛夫道二常謂之經變謂之權懷其常道而挾其變乃得為賢夫衛女行中孝慮中聖權如之何夫音扶行中並去嘉

非是

邾婁繆公問政於孟子曰為政之道奚先孟子曰省刑罰薄稅斂愛民之政也則無所為政也君其勿信倖臣之言

孟子過鄭見鄭莊公鄭國名高誘曰世本鄭莊公名顓孟子道性善言必稱文王道去莊公曰聞夫子之言昭然若發矇矣

孟子老於騶燕昭王使樂間燕迎之孟子不往或問曰夫子何以不往孟子曰以吾受齊王之知是以不往也且燕王霸才也亦非王天下之主也使並下

去聲



凡八章闕下

孟子外書卷四 太尾

孟子外書附錄

麻沙新刊四家孟子注偽作無疑也至其附外書四篇頗有精義且流傳已久似非全偽者先師夢奠無從就正耿耿于懷莫能自冰去浩翁  
夏淵謹記

子孟子顛辭又有外書四篇性善辨文說孝經為正予嚮新喻謝氏多藏古書有性善辨一帙則知真文說孝經為正是謂四篇古蘆浦筆記一條

吾友叔祥客涪南得孟子外書見寄惜第



或山丹當作冊書  
寫之疑也

四篇為正殘闕不全真秘丹也某劉昌詩  
筆記云新喻謝氏多藏古書異本有性善  
辨一帙蓋即是書自宋以來流傳絕少雖  
斷建碎壁尤當寶貴之昔趙氏行外書為  
不能因深者內篇弗款故其書遂不顯於  
世然漢時引孟子者謂之博文則內外篇  
均在博文之列何可存內而佚外哉或原  
胡震亨跋

因內篇作弘

一原本劉貢文注作熾時子注然以君前臣名則宜師前字子名之理依馬廷賢序熾時子  
者劉貢文也之文政書名而劉貢文何等人也予未詳其人他日見雜書宋劉貢文者  
作中山詩話即是年文恐訛字可考







